



Publicaziuns dalla vischnaunca, jamna 34

Damondas da baghegiar

2017-1057.000

Datum dalla publicaziun: Ils 25 d'uoost 2017

Il patrun: Pendicularas Mustér SA, Via Acletta 2, 7180 Disentis/Mustér.

Il representant: Pendicularas Mustér SA, c/o Rudolf Büchi, Via Acletta 2, 7180 Disentis/Mustér.

Object: Stabiliment per la producziun tecnica da neiv, staziun da pumpar, lag d'accumulaziun sco accumulatur per in di, parcella 2336, 2539, 2541 e 2932, Caischavedra – Gendusas, 7180 Disentis/Mustér.

2017-1058.000

Datum dalla publicaziun: Ils 25 d'uoost 2017

Il patrun: Andrea Deflorin e Remo Monn, Via Principala 13, 7031 Laax

Il representant: Sieber Holzbau AG, Kantonsstrasse 93, 6234 Triengen

Object: Spazzar il baghetg d'economia e construcziun d'ina casa d'ina habitaziun, parcella 3943, Via Acletta 53, 7180 Disentis/Mustér

2017-1059.000

Datum dalla publicaziun: Ils 25 d'uoost 2017

Il patrun: Konrad Huber, Bergstrasse 154, 8708 Männedorf

Il representant: Konrad Huber, Bergstrasse 154, 8708 Männedorf

Object: Niev suttetg pil plaz da seser, sanaziun dil tetg-casa, sanaziun parziala dallas fatschadas, sanaziun interna dalla casa, parcella 1067, Via Sogn Valentin 3, 7183 Mumpé Medel

2017-1060.000

Datum dalla publicaziun: Ils 25 d'uoost 2017

Il patrun: Pius e Pauli Desax, Via Sogn Gions 3, 7180 Disentis/Mustér

Il representant: Pius Desax, Via Sogn Gions 3, 7180 Disentis/Mustér

Object: Baghetg niev annex per deponer material da curtgin, parcella 770, Via Sogn Gions, 7180 Disentis/Mustér.

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2017 – 1025.000

Cuminonza da proprietaris en condomini Casa Flepp, c/o Placi Flepp, Via Pintga 12, 7180 Disentis/Mustér; remplazzament dil tetg (construcziun nova) sur la scala d'entrada, parcella 816, Via Pintga 12, 7180 Disentis/Mustér.

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **venderdis, ils 25 d'uoost 2017**, allas 19.45 en Sala Fontauna dil Center da sport e cultura.

Tractandas:

1. Protocol 5-2017/2020
2. Center da sport e cultura: Presentaziun dall'evaluaziun dalla HTW Cuera davart las lavurs da plani saziun en connex cun la sanaziun dil CSC
3. Center da sport e cultura: Decisiun da principi pertuccont il glatsch artificial – Credit per la cumpra d'ina maschina d'elavurar il glatsch (messadi nr. 10-2017/2020)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Serrada dalla via da Cavardiras

Pervia da lavurs da cuvrida sto la via da Cavardiras, tschancun Brulf entochen access da Caprau, km 1,65 entochen km 2,37, vegnir serrada **da gliendesdis, ils 28 d'uoost 2017 tochen venderdis, ils 8 da settember 2017, mintgamai denter las 7.00 e las 17.00 (senza sonda e dumengia)** per tut il traffic.

Sviament: Vehichels tochen 11 t han la pusseivladad da sviar sur Pardomat.

Remarcas: Pedunzs e ciclists san passar il plazzal. Informaziuns actualas sut www.strassen.gr.ch.

Adressa da contact: Uffeci da construcziun bassa dil Grischun, district 6 Glion, tel. 081 257 68 88

Polizia cantunala dil Grischun, Tecnica da traffic

Sperrung der Cavardirasstrasse

Die Cavardirasstrasse, im Abschnitt Brulf bis AS Caprau, km 1,65 bis km 2,37, muss infolge Belagsarbeiten **ab Montag, 28. August 2017, bis Freitag, 8. September 2017, jeweils zwischen 7 und 17 Uhr, (ausgenommen Samstag und Sonntag)** für jeglichen Verkehr gesperrt werden.

Umleitung: Für Fahrzeuge bis 11 t besteht eine Umfahrungsmöglichkeit über Pardomat.

Bemerkungen: Fussgänger und Radfahrer können die Baustelle passieren. Aktuelle Informationen unter www.strassen.gr.ch.

Kontaktadresse: Tiefbauamt Graubünden, Bezirk 6 Ilanz, Tel. 081 257 68 88

Kantonspolizei Graubünden, Verkehrstechnik

Naschientscha

Alfred Urgast, naschius ils 7 d'uoost 2017, fegl da Simona ed Andreas Urgast

Gruppa da gimnastica per senioras

Las vacanzas ein finidas. Nus entschevein cun la gimnastica **igl 1. da settember 2017**.

Urari: **Mintga venderdis, 13.30–14.30 halla Cons**

Cordialmein envidein nus nossas commembras. Tgi enonuscha buca nossa gruppa? Sche ti has plascher dalla gimnastica, neu e fai ina viseta nunligionta tier nus. Sclariment per tel. 081 947 56 43 ni 081 947 53 32.



Ad in bien e frestg seveser

Las menadras

Controllas apparats d'udida

Gliendisdis, ils 28 d'uost 2017 saveis Vus schar schubergiar e rugalar Vies apparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

Uniun da dunnas Disentis/Mustér

Gruppa da seruschnar/termagliar

La gruppa da seruschnar/termagliar dat la caschun als affons pigns ed als geniturs da s'entupar, paterliar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local, nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Mardis, ils 29 d'uost 2017, 14.30–16.00

Casa da scola Segnas, local Artgin, ella 1. alzada

Prender cun: marena e scalfins

Ulteriuras informaziuns e datums anfleis vus sut www.uddm.ch

Cordialmein envida, uniun da dunnas, ressort affons

Annunzia fiera da Nadal 2017

Da cuminonza el futur

Prezias expositurs, las uniuns da dunnas da Disentis/Mustér/Tujetsch e Medel ein sedecididas d'organisar comunablamein la fiera da Nadal. La fiera vegn organisada alternont en ina dallas treis vischnaucas. L'organisaziun schai mintgamai els mauns dall'uniun da dunnas dalla vischnaunca nua che la fiera ha liug.

Uonn ha la fiera liug **sonda, ils 25 da november 2017**, dallas 13.30–20.00 a Disentis/Mustér e vegn organisada dall'uniun da dunnas Disentis/Mustér.

Sin Voss'annunzia entochen sonda, ils 23 da settember 2017 selegra l'uniun da dunnas Disentis/Mustér, Rita Huonder-Tenner, Via Clavianev 1, 7180 Disentis/Mustér. Telefon 081 947 44 74 (la sera), 076 559 44 74 ni e-mail rita.huonder@bluewin.ch

Uniuns da dunnas

Disentis/Mustér, Tujetsch e Medel

Uniun da gimnastica da dunnas Mustér

Nus entschevein puspei cun nossas uras da gimnastica:

Gievgia, ils 31 d'uost 2017 – Adatg: novas uras!

Gruppas gimnastica e 50+: allas 19.15

gruppa bal da reit: allas 19.00



Frauenturnverein Disentis

Wir beginnen wieder mit unseren Turnstunden:

Donnerstag, 31.8.2017 – Achtung: neue Zeiten!

Gymnastik und 50+: 19.15 Uhr

Gruppe Netzbball: 19 Uhr

Sentupada culs Ladins dallas Dolomitas a Mustér

Sonda, ils 9 da settember 2017 caschun da visitar ils luvratoris en halla Cons.

Dumengia, ils 10 da settember 2017 allas 9:30 survetsch divin en baselgia S. Gions.
Sunter ils survetsch divin sentupein nus en halla Cons tier in gentar cun program da recreaziun.

Cordialmein envida Vus il Forum Intercultural Mustér FIM

Entschatta da trenament d'unihoc da juniors e junioras a Mustér ils 28-8-2017

Juniors A (2000–2003): Gliendisdis 20.30–22.00

Junioras (2002–2006): Gliendisdis 18.15–19.45

Juniors C (2004–2006): Gliendisdis 18.15–19.45

Kids (2007–2010): vegn communicau el decuors dil settember.

UHC Desertina Bulls Disentis/Mustér

Radunonza generala dils possessurs da dretgs e pursanavels dallas alps Russein-Cavrein

Gliendisdis, ils 28 d'uost 2017 allas 20.15 ell'ustria «Fravia» a Disla

Cordialmein envida, la suprastonza